

Script of Evening Gojri News Bulletin 17 May 2026 at 1700Hrs

ایوننگ گو جری نیوز بلیٹن مورخہ 17 مئی 2026

یوہ آکاشوانی جموں ہے محمد امین انجم تے عبدالمجید تیں خبر سُنو پہلاں خاص خاص خبر۔

Headlines

- *1۔ جموں مانسر اُدھم پور سڑک نانہہ اک متبادل 6 پالی سڑک غے طور ترقی دتی جائے گی۔ تے کشمیر غو سفر 105 کلو میٹر تیں کہٹ غے 61 کلو میٹر راہ جائے گو۔
- *2۔ اج جموں کشمیر پھر مانہہ ڈیجیٹل طریقہ نال خُد شماری کاروائی شروع ہو گئی ہے۔
- *3۔ گڈیاں لاریاں بارے محکمہ نے اعلان کیو ہے جے جموں مانہہ تمام ای رکشا تے ای آٹوز یکم جون تیں سختی نال میٹر ور چلیں گا۔
- *4۔ ایس کے آئی سی سی سرینگر مانہہ قومی کمیشن برائے خواتین غی طرفوں منعقد شکتی سمود اختتام پزیر ہو گیو ہے۔
- *5۔ تے 75 بہراں غا کمہار نے اُدھم پور مانہہ مٹی غا گھڑا بنان غی روائتی دستکاری زندہ رکھی ہے۔

خبراں غی تفصیل نال پہلاں محمد امین انجم۔

Samba- Mansar-Udhampur Road

جموں پٹھانکوٹ تے جموں سرینگر قومی شاہراں نانہہ جوڑن واسطے 6 پالی آلی متبادل شاہراہ تعمیر کی جائے گی۔ اس واسطے قومی شاہراں بارے بھارتی اتھارٹی این ایچ اے آئی سانبہ-مانسر-اُدھم پور روٹ غی تفصیل پروجیکٹ رپورٹ (ڈی پی آر) تیار کر رہی ہے۔ امید ہے جے اگلا سال توڑی اس پروجیکٹ غو کم شروع ہو جائے گو۔ اس متبادل شاہراہ غی تعمیر نال سانبہ تیں مانسر اور اُدھم پور غے رستے وادی تک اک بہتر رستو دستیاب ہووے گو جہڑو آسان تے چھوٹو وی ہووے گو مجوزہ متبادل قومی شاہراہ جموں پٹھانکوٹ قومی شاہراہ ور سانبہ تیں اُدھم پور غا جکھینی توڑی شروع ہون نال وادی غو سفر موجودہ 105 کلو میٹر تیں کہٹ غے 61 کلو میٹر رہ جائے گو۔

Self Enumeration

مردم شماری 2027 غا سلسلہ مانہہ ڈیجیٹل خُد شماری اج جموں کشمیر پھر مانہہ شروع ہو گئی ہے۔ اس سہولت غی مدد نال باشندہ ہُن خود آن لائن طریقہ نال اپنی خُد شماری کر سکیں۔ اس ضمن مانہہ لوک سرکاری پورٹل غے ذریعے کر سکیں جہڑو اج سویرے 6 بجے چل پیو۔ یاہ سہولت 31 مئی تک دستیاب رہے گی تے اس راہ لوک آسانی نال اپنا کہراں تیں ہی اپنا کہر بارے جانکاری دے سکیں۔ حکام نے لوکاں نانہہ اپیل کی ہے جے ویں سرگرمی نال اس پورٹل ور حصول تے درست معلومات یقینی بناویں۔ اس ڈیجیٹل مرحلہ تیں بعد یکم جون 2026 تیں تربیت یافتہ افراد بوہے بوہے جا غے جانکاری حاصل کر سکیں گا۔

Census Poonch

ڈیجیٹل طریقہ نال خُدماری کا روئی غا سلسلہ مانہہ اچ پونچھ مانہہ شہریاں نانہہ یاہ سہولت دستیاب کر دتی گئی جے ویں بوہے بوہے جا غے جانکاری اکھٹی کرن واسطے مرحلو شروع ہون تیں پہلاں آن لائن اپنی تفصیل جمع کریں۔ پونچھ غا مقامی لوکاں نے اس ڈیجیٹل مردم شماری غو استقبال کیوہے جہیڑای اچ شروع ہوئی تے کہیو جے ہُن ویں خود اپنی جانکاری جمع کرا سکیں تے یوہ بھارت سرکا ر غی طرفوں اک استقبالیہ قدم ہے۔ شروعات غی جانکاری دیتاں واں ضلع سٹیٹیکل اینڈ ایولیشن افسر جاوید احمد نے کہیو جے شہری ہُن ڈیجیٹل طریقہ نال مقررہ وقت غے اندر خُدماری کر سکیں۔ اُنہاں نے کہیو جے خُدماری غی سہولت 15 تیہاڑاں تک دستیاب رہے گی۔ اُنہاں نے اس راہ کہیو۔۔۔ با نٹ۔۔۔

E-Rickshaw Metering

جموں مانہہ عام لوکاں نانہہ بہتر سہولت فراہم کرن تے آئندہ امرناتھ یا ترا غے دوران بہتر انتظامات نانہہ یقینی بنان ور توجہ دیتاں واں ٹرانسپورٹ محکمہ نے اعلان کیوہے جے 1 جون تیں جموں مانہہ تمام ای رکشا اور ای آٹوز میٹر وی سختی نال عمل کرتاں واں میٹر غے مطابق وصولی کریں گا۔ حُکام نے خبردار کیوہے جے خلاف ورزی کرن آلاں غے خلاف سخت کاروائی کی جائے گی، جس مانہہ جرمانو کرن غے نال نال گڈیاں نانہہ ضبط کرنو وی شامل ہے۔ واضع رہے جے پچھلا گُجھ سالان مانہہ جموں مانہہ بجلی نال چلن آلا آٹوز تے رکشاں غی تعداد مانہہ نمایاں اضافو ہوئوہے تے ڈرائیوراں غی طرفوں مسافراں تیں زیادہ کرایو وصول کرن غی شکایت وی باربار سامنے آتی رہی ہیں۔ اس فیصلہ بارے بولتاں واں اے آر ٹی او جموں جسمیت سنگھ نے اس راہ کہیو۔۔۔ با نٹ۔۔۔

Wild Village

ضلع انتظامیہ غی طرفوں تشکیل دتی گئیں 4 ٹیمیاں نے ضلع راجوری غی کوٹرنکہ بلاک غا موہڑا گراں غو دورو لایو تے ٹیسٹ غی خاطر تقریباً 20 نمونہ اکھٹا کیا۔ گراں مانہہ جنگلی سبزی کھان تیں بعد کل اک 65 بہراں غو بزرگ تے 7 دوجا کسری ہو گیا۔ اس واقعہ تیں بعد محکمہ صحت غی ٹیم علاقہ در گئیں۔ گراں غا لوکاں نے ضلع انتظامیہ غی طرفوں کی گئی فوری کاروائی غی تعریف کی۔ اخبای ری نمائنداں نال گل کرتاں واں چیف میڈیکل افسر راجوری ڈاکٹر منوہر رانا نے لوکاں نانہہ اپیل کی جے ویں کا بریں ناں۔ اُنہاں نے کہیو۔۔۔ با نٹ۔۔۔

خیراں غا باقی حصہ نال عبدالمجید ور اُس تیں پہلاں یوہ سنیو۔

Shakti Samvad

قومی کمیشن برائے خواتین این سی ڈبلیو غی طرفوں منعقدہ 2 روزہ شکتی سواد اچ اختتام پزیر ہو گیو۔ اس پروگرام مانہہ مرکزی وزیر ڈاکٹر جتندر سنگھ نے قومی کمیشن برائے خواتین این سی ڈبلیو غی چئر پرسن وجایا کشور راہتکر نے سینئر پولیس عہدیداراں غے ہمراہ مہمان خصوصی غے طور ور شرکت کی۔ اختتامی اجلاس ادارہ جاتی تال میل غی مضبوطی خواتین غی حفاظت خواتین غا حقوق وغیرہ ور مرکوز تھو۔ اس تقریب نے خواتین نانہہ با اختیار بنان ور غور و خوض کرن واسطے 20 تیں زیادہ ریاستاں مانہہ ریاستی کواتین کمشنر غا چئر پرسن اراکین تے ممبر سیکریٹریاں نانہہ اکھٹو کیوہے۔ اس غو مقصد خواتین غا بکھ بکھ کمیشن بشکار تعاون نانہہ بدھانوہے۔

Earthen Pots

جس راہ گرمی مانہہ باہنو ہو رہیوہے تے بدھتا درجہ حرارت غے پیش نظر لوگ اک وری فر قدرتی ٹھنڈک تے گرمی تیں راحت واسطے مٹی غا روایتی پانڈاں غا استعمال در مڑ رہیا ہیں۔ مٹی غا بنیا پھانڈاں غی بدھتی مانگ نہ صرف لوکاں نانہہ قدرتی طور ور ٹھنڈو پانی مہیا کران مانہہ مدد دے رہی

ہے بلکہ مٹی کا پھانڈا بنان آلا کمہاراں غی روزی روٹی نانہہ فروغ دے رہی ہے۔ اسٹیل تے پلاسٹیک غا پھانڈاں غا اس دور مانہہ اُدھم پور غا 75 بہراں غا ترسیم لال نے مٹی غا بنیا پھانڈاں غا روایتی فن نانہہ زندہ رکھیو وہ ہے۔ ترسیم لال نے اپنا تجربہ بارے دستاں واں کہیو۔ بائٹ۔۔ اس دوران ترسیم غی طرفوں بنایا پھانڈا خریدن آلا پرویش گپتا نے کہیو۔ بائٹ۔۔

HP Guv

ہماچل پردیش غا گورنر کو یندر گپتا نے کہیو ہے جے امریکہ تے ایران بشکار تنائو مانہہ وزیر اعظم نریندر مو دی امکانی خطراں غے مد نظر لگاتار شہریاں نانہہ چوکس کر رہیا ہیں۔ جموں مانہہ ایکن پروگرام نال خطاب کرتاں واں کو یندر گپتا نے کہیو جے بھارت سرکار نے عام لوکاں نانہہ راحت مہیا کران واسطے کم کیو ہے تے اس راہ پٹروں تے ڈیزل غی قیمت قابو مانہہ رکھی ہیں۔ جناب گپتا نے لوکاں نانہہ کہیو جے وین دوہاں سماجی تے خاندانی سطحاں ور ذمہ داری نال کم کریں۔ انہاں نے مزید کہیو جے صرف ملی جلی ذمہ داری غے ذریعے مہنگائی غو اثر کھٹ کیو جا سکے۔

Soft Toys Ramban

ضلع رام بن مانہہ قومی دیہی گذر بسر مشن (این آر ایل ایم) غے تحت بٹوت مانہہ سافٹ ٹائیز یعنی نرم کھلونا بنان غو اک تربیتی پروگرام شروع کیو گیو، جس غو مقصد کالسریاں نانہہ باختیار بنانو تے خود روز گار غا موقعان نانہہ بدھانو ہے۔ پروگرام مانہہ مقامی تربیت یافتہ افراد غی پُر جوش شرکت دیکھی گئی خاص طور ور وے خواتین جہیڑی ان کھلونا نانہہ بنان مانہہ نویں مہارت حاصل کرن غی خواہش مند تھیں۔ اس طرح غی پیشہ وارانہ تربیت دیہی علاقہ غا نوجوانان تے کالسریاں مانہہ کاروبار غی حوصلہ افزائی کر رہی ہیں۔ دیہی خود روز گار تربیتی ادارہ غا عہدیداراں نے اس تربیتی پروگرام مانہہ شرکت کرن آلاں غی حوصلہ افزائی کی تے کہیو جے وے اس پروگرام غو استعمال کرتاں واں پائیدار آمدنی پیدا کرن آلی مہارت حاصل کریں۔ ڈائریکٹر آر ایس ای ٹی آئی ہر ویندر سنگھ نے اس بارے مزید اس طرح کہیو۔ بائٹ۔۔

اس غے نال ہی خبراں غو یوہ بلیٹن ختم ہوؤ۔